

Vischnaunca da Mustér

**Reglament da taxas
tier la lescha da baghegiar**

-
- Art. 1 Principi
- 2 Petent
- 3 Cuosts supplementars
- 4 Cass specials
- 5 Adattaziun da taxas
- 6 Taxas
- a) Lubientschas da baghegiar
 - b) Taxa supplementara
 - c) Retratga d'ina lubientscha
 - d) Decisiuns preliminaras
 - e) Prolungaziuns
 - f) Annunzias da baghegiar
 - g) Midadas da project
 - h) Lavurs supplementaras
- Basa da calculaziun
- 7 Lubientschas excepziunalas
- 8 Terren public
- 9 Pareris, expertisas
- 10 Scadenza
- 11 Tscheins da retard
- 12 Vigur

Sebasond sin art. 96, al. 2 dalla lescha da baghegiar relai la suprastanza communal il suadont reglament da taxas:

Art. 1

Principi

¹Quest reglament fixescha tuttas taxas che seresultan dallas proceduras da baghegiar sco era ulteriuras proceduras dalla polizia da baghegiar.

²Tuttas funcziuns e lavurs digl uffeci da baghegiar, dalla cumissiun da baghegiar e dalla suprastanza communal ein suttamessas a taxas, aschilunsch ch'ellas ein stipuladas en quest reglament.

³Ei la taxa per ina funcziun, in survetsch, in lubientscha ni ina decisiun buca menziunada, sa la vischnaunca incassar ina taxa tenor il temps impundiu.

Art. 2

Petent

La taxa paga quel che caschuna la lavur respectivamein l'expensa.

Art. 3

Cuosts
supplementars

Ultra dallas taxas fixadas sa la vischnaunca incassar ulteriurs cuosts ch'ina fatschenta caschuna.

Art. 4

Cass specials

¹Il cuosts che seresultan dalla tractaziun da protestas vegnan adossai al recurrent, sche la protesta vegn refusada ni sch'ei vegn buca entrau sin il cass. En quei mument sto il recurrent pagar supplementarmein ina indemnizaziun extraufficiala al petent.

²Resalvau restan taxas per lubientschas supplementaras e per examinaziuns ecologicas a norma dalla legislaziun speciala respectiva.

Art. 5

Adattaziun da taxas

Stattan las taxas fixadas en quest reglament buca en relaziun cun la lavur impundida, sa l'istanza da baghegiar adattar ellas commensuradamein.

Art. 6

¹Per la tractaziun d'ina damonda da baghegiar e las controllas sco era per ulteriuras prestaziuns dall'istanza da baghegiar vegn incassau las suandontas taxas:

- a) Per summas d'investiziun entochen frs. 1'000'000.-- munta la taxa a 2.0 ‰, minimalmein frs. 150.--.
- b) Per la summa d'investiziun che survarga frs. 1'000'000.-- munta la taxa 1.5 ‰.
- c) Per damondas da baghegiar tractadas che vegnan retratgas e buca exequidas: per regla 50% dalla taxa dalla lubientscha, denton minimalmein frs. 150.--.
- d) Per decisiuns preliminaras tenor temps impundiu, denton minimalmein frs. 100.--.
- e) Prolungaziuns dalla lubientscha da baghegiar minimalmein frs. 100.-- tochen 10 % dalla taxa dalla lubientscha da baghegiar.
- f) Annunzias da baghegiar tenor art. 40 dall'ordinaziun davart la planisaziun dil territori per il cantun Grtischun (KVRO) minimalmein frs. 30.--.
- g) Lubientschas supplementaras per midadas da project tenor temps impundiu, denton minimalmein frs. 50.--.
- h) Lavurs supplementaras ed uatgas che seresultan pervia da munconza da plans ni tralascadas enviers lubientschas e prescripziuns, sco era controllas supplementaras digl uffeci da baghegiar pervia da munconzas, vegnan quintadas tenor il temps impundiu, minimalmein denton frs. 30.--.

²Las taxas vegnan fixadas sin fundament dalla summa d'investiziun previda, indicada ella damonda da baghegiar. En cass d'ina midada considerabla da quella summa, sa la taxa vegnir modificada conform alla valeta nova tenor schazetg uffical.

Art. 7

Per la concessiun da lubientschas excepziunalas entras la suprastonza communal vegn incassau ina contribuziun en relaziun dalla valeta che seresulta dalla lubientscha, denton minimalmein frs. 100.--.

Taxas

Lubientschas da
baghegiar

Taxa supplementara

Retratga d'ina
lubientscha

Decisiuns
preliminaras

Prolungaziuns

Annunzias
da baghegiar

Midadas da project

Lavurs
supplementaras

Basa da calculaziun

Lubientschas
excepziunalas

Art. 8

Terren public

Per far diever da terren public, en special per tschentar tschaghegnas, per descargar e deponer materials da baghegiar etc., vegn quintau ina taxa sereferend sin art. 1 da quest reglament.

Art. 9

Pareris, expertisas

Ils cuosts per pareris, expertisas, lavurs da mesiraziun ed eventuels cuosts dil register funsil etc. vegnan adossai al petent.

Art. 10

Scadenza

Las taxas per la lubientscha da baghegiar sco era eventuels auters cuosts en connex cun la lubientscha da baghegiar ein da pagar enteifer 30 dis suenter la retschavida dil quen.

Art. 11

Tscheins da retard

Per pagaments da taxas retardai vegn incassau in tscheins da retard suenter la scadenza dil quen.

Art. 12

Vigur

¹Quest reglament ei vegnius approbaus dalla suprastanza communal igl'emprem da settember 2009 e passa en vigur ensemen cun la lescha da baghegiar dils 30 da november 2008.

²Cun la vigur da quest reglament vegnan las directivas davart las taxas per las proceduras da baghegiar dils 12 da settember 2001 cassadas.

Il president communal:

Il canzlist:

Dr. Dumeni Columberg

Andri Hendry